

中國方志叢書·華北地方·第五五二號

據

清乾隆三十五年刊本
清·周銑修，葉芝纂

影印

甘肅省

伏羌縣志

(全)

成文出版社有限公司印行



10107839

中華民國六十五年 月臺一版

伏 羌 縣 志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

伏羌縣志叙

乾隆丁亥冬余承乏茲
土駐車浚攷閩邑乘其
山川貢賦水利田疇民
風吏治與夫人物文章
固已明若觀火矣顧自

志成以來廿年未繼增
修已已而後闕如焉披
覽之餘志萌補輯復任
伊始弗遑也閱數月簿
書粗理於是修葺壇壝
挑濬田渠凡典禮所闕

民生所繫罔弗致謹
飭以期不瘵厥官如
者載餘其間採訪既
按据頗多猶未克濡
筆以終其志也歲己
丑莊浪孝廉葉君來
署課

塾相與商確編定自十
二月至庚寅五月付之
剞劂始得成余志而余
亦量移以去夫邑之有
志也所以識沿革紀風
俗鑑得失彰幽潛證文

獻備採擇也。體不俾於
史而實防乎史。總之不
離乎事與言者。近是微
實載則紀事必詳。補實
文則選言貴當。作史云
爾。志何獨不然。歟。茲自

天文始迄祥異終凡卷
十四酌聞參見徵事屬
辭汰繭繁補缺略至已
已以後悉依類纂入昔
史臣省言事增於前文
省於舊斯志之後意蓋

亦

竊比乎此至若

聖天子大車書之盛堪脩輶

軒賢人士昭蔚炳之仗

克循步武則自有接駟

修明而振作之者是編

簡且陋奚足以云省

乾隆三十五年七月既
望涪陵周銑尺符氏書
於伏羗官舍

雍城冀城古稱鉅邑朱山
渭水昔~~年~~多才地氣既已
鍾靈人文於斯為盛曩嘗
涉獵書史丞知賢達迭興
亦既歷覽輿圖久悉并疆
分勢顧盈虛消長異其數

與因革損益殊其宜終覺
耳之所聞不及目之所覩
丙戌歲愚叨膺

選列濫厠廣文於紳士晉接
而後即邑乘遍閱為先原
夫山嶽効其竒靈川源增

其媚秀忠臣孝子彪炳寰
區節婦義夫光昭簡冊以
及風景人物甲於他邑儒
林學士杰出一時攷賦役
之重輕觀典禮之斟酌允
矣足徵文獻洵哉不易章

程第僻壤窮鄉幽正未免
鬱塞荒村野處苦節終多
沉淪名宦鄉賢流風餘韻
之幾絕忠烈文學繼美後
先之無存倘非從而表章
之幾何不歎澌沒也幸遇

賢侯臨蒞斯疆於治民課
士之暇大厥搜羅宏茲採
擇慨捐清俸補葺缺遺凡
有裨於名教罔弗表揚苟
非樹之風聲概從芟削敦
倫飭紀端其本矯浮崇樸

存其正博而不繁簡而能
覈誠足信今而傳後永堪
繼往以開來懸之國門無
以易其隻字屬在游夏莫
能更贊一辭由是付之梓
人壽諸梨棗開緘色動如

登班馬之堂展卷神馳不
啻范歐之作愚賦質不敏
固陋無文爰舉蕪詞樂觀
盛事願後芳塵而學步聊
隨驥尾以爭光
乾隆三十五年初秋丁卯